

LOU GALETOU

FAI RIRE TOU LOU MOUNDE E N'ENGROGNO DE
" PER DEHARGNA LOUS LEMOUZIS "

12^e ANNADO. — LIMERO 1.

JANVIER-FÉVRIER 1951

15 FRANCS LOU LIMERO
(tous lous dous meis)

Directi, Redaci, Administraci :
LIMOGES, 21, rue d'Aisso, tel. 58.48
Chèque post. : Rivet 757-93 Limoges
Abounamen :
PER AN 100 fr.



Photo Jové

Qu'ei dins no vieillo galefiero qu'un tai lous meillours galefous

Veiqui lo pâto dau galefou de janvier-février 1951

LO PANTERO	Jean Rebier.	LAS CHATEGNAS CHAUDAS	Lechodier.
LO MOUNTRO DE PIAROU	Robert Benoit	LO BROUETTO (counte de veillado) ..	Mme Henry-Couillet
LOU CHABRI	Jan de Glano.	LOU BOUN VI BLANC	Delezei.
LOU LEBRAU DE LO RITOU	Barbo Flurido.	UN MARIDAGE D'ARGEN	Chalou.
LOU PUS GRAND MALHUR	Charlou de Vi.	LOU PAQUET DE TABAC	Henricou.
UJAN, ANTAN ET D'EINAN	Aug. Chastanet.	LAS LAVEIRIS	Oreilho de Lebre.
LOU COUPLIMEN	Jan de Liran.	ENTRE N'AUTREIS	Lingo de Chabiard.
AUVEZ BIEN!	Jan dau Mas.		

VÊTEMENTS

pour Hommes
Dames-Enfants

A. DONY

2, 4, 6, Rue des Halles - LIMOGES

SUCCURSALES :
SAINT-JUNIEN
BRIVE
TULLE
PÉRIGUEUX

Lous hommeis, las fennas, lous drolleis trourboran dé tout au meillour prix, en bouno qualita

LO PANTÈRO

Lous gendreis et las bellas-mais
S'an de tous tems visa de biaï,
Mas, chaz Lionissou de lo Prâdo,
Lou gendre de lo Malaisâdo,
Co n'en passavo per de lai.

O lo pelavo » lo Pantéro »,
Lo li repoundio « Lucifer ».
Dins lo meïjou qu'ero lo guerro,
Que dise-ïo ? Quero l'enfer !
Et tout viravo de travers.
Ei tabe, dins lou vesinage,
Eas lingas aviant de l'oubrage.

Mas veïqui qu'un beu jour de mai,
(Quant dise « beu jour », faut s'entendre.
Lou jour ero beu per lou gendre,
Mas gaire per lo bello-mai),
Lo vieillo, en soignant so voulaïlo,
Fuguet preïso de bibasou.
« Qu'ei lou printem que lo travaillo »,
Se disset lou grand Lionissou.

On reneuravo, n'ën repounde,
Sous sôs, mai qu'ei lo môdo eici,
O' faguet coumo tout lou mounde,
On net queri lou medeci.

Quant queu d'aqui l'aguet poujâdo
O' disset : « L'ei bien maï doubâdo,
Lo pourro beleü s'en sertî,
Mas iô ne sais pas lou boum Dî ».

Un pan pus tard, dins lo charreiro,
En nant paturâ soun beïtiâ,
Lionissou gnâtavo sous piaus
Quant Chaussido de lo Ribieiro
Lo disset : « Eh be, Lionissou,
» Chaz te, co ne vai pas tout souï ? ».

— « Co vai maï, vous pondez iô dire,
» Et nous soun dous à ne pas rire :
» Lo Pantéro o pô de mourî
» Et me de lo veire garî ! »

Jean REBIER.

LO MOUNTRO DE PIAROU

Piarou, pitit apprenti faure,
Rentret un jour chaz un patron
Que disset : « Tu sauras, moun paubre,
» Qu'eiçi me faut un boum garsou,
» Toujours leva à lo memo houro
» Per bien preparâ lous outîs ;
» Car dins lo sasou qu'un labouro
» N'an daus clients de boum mati ».
— « Eh be, patron, co se rencountro
» Bien man, per mour que iô n'ai pouen
» Jamâis gn lo pus pîto mountro
» Et de relogé enquero mouen. »
— « Tu poueis te coneïja bien tranquîle
» Et dermî sei perdre tout tem,
» Car per te levâ qu'ei facile,
» Notre anc bramâ a queü momen :
» On ne manquo pas las cinq horas ;
» O' te serviro de cadran
» Et n'io pas de guïas meïlhouras
» Per marquâ l'houro que soun bram. »
Lou primier mandî tout se passo
Coumo lou patron iô vio dit ;
L'anc bramâ que tout n'ën casso,
Piarou n'ei tout eitalourdî.
Mas vei-te qui qu'un jour notre ase

Bramâ a quatre horas dau mati !
Piarou se leve et dit : « Viedase !
» N'ouro trop tôt tu m'as sertî,
» Te vaü jugâ no pîto danso
» En bou manche de moun balâ,
» Per l'aprena à bramâ d'avango,
» Trapo-me queü tiro-l'en lai ! »
Et, tûto que tûtaras, l'ase
Bramo coumo n'eïrounja vî,
Et Piarou, lou diable m'ecrase,
Lour faï bramâ seï refeci.
Lou meïtre qu'auvo lou tapage
Vai veire ce qu'o soun mitrou,
Mas Piarou, fier de soun oubrage,
Dit : « Begle mo mountro, patrou ! »

Robert BENOIT.

Lou mechant tem s'aprimo. Faut pensâ a chatâ de
bouno chaussuro per l'hiver.

Un boum counseï : nas vous en chaz LAPEYRE

A LA BOTTE D'OR

RUE FERRERIE - LIMOGES.

Un li trobo tous tous genres et toujours de lo mar-
chandio solido et éléganto, et ce que ne gâto re, aux
meïlhours prix. Qu'ei se que'un pelo no boum meïjou.

LOU CHABRI

Queu jour de Pâqueis, lou curé de Sen-Matali n'ero pas counten. Depei l'en mandî dabouro o ero dins soun counfessadour a ecoutâ daus pechas pus nombrous, pus gros, pus vorreis que jamais o n'en avio auvi. De coulero o avio doubâ las penitencas et ô marmusavo en serli de so boueitio : « Paubras fennas, paubras teitas sei cervelo, l'an lou diable cougna dins lou ventre et las niran segur toulas rôti dins l'enfer. »

Un piti bru que venio d'un coin de l'eglêijo lou faguet tressailli. O se deivret et que viguet-eu ? L'ane dau regatier que churietavo l'aigo dau benetier ! « Ne manquavo mas co, disset-eu. Pas d'aigo beneito un jour de Pâqueis ! » Et o courguet vite deforo per nâ dire au merilier de n'en fâ d'autro. Dins queu momen, Naz de Lapin, qu'avio en soun bras un piti panier brenous, se premet de se. « Que voueis-tu ? disset eu. N'ai pas lou tem de platussâ. M'arr'bo co et co. et jamais ne sirai preite per chantâ lo grando messo. »

— « Moussur lou Curé, faguet Nas de Lapin, oo vous retardaro pas. Ne vene pas me counfessâ, vous pourte un piti chabri per votre marendou. »

— « Qu'ei bien pensa, mas tu me faras lou plasei de m'aidâ lou minjâ. Baillo-lou à notre Madeli que val plo esset countento. Dijo-li de te fâ beure un verre de vi blanc de messo. N'ai pas lou tem de l'accompagnâ, faut que

io m'en ane dire au merilier de fâ de l'aigo beneito. »

Veiqui moun Naz de Lapin au presbitari. « Madeli, vous pourte un chabri per votre marendou. Doubâs-lou bien, Moussur lou Curé m'o dit que nous lou minjaran ensemble ». — « Co n'ei mas bien et tu sei un gente drôle », faguet-lo. Apres co lo li verset un verre de vi de messo coumo qu'ero counvenu et lo se mettet de coupâ lo beitio. Mas lo ne sabio gro coumo foulio io doubâ per que co sio meillour. Lo ne pouidio pas demandâ au curé. Las chieuchas ne sounavan pus et ô ero beleu deja à l'autar. Li venguet n'edeio. Ne sabé pas si vous counseisz lo curo de Sen-Matali. L'ei tout a fait coumodo. Depei dins lo cousino un rentro dins lo sacristie. Lo Madeli rentret deuné dins lo sacristie, deibriguet lo porte que baillo sur lou Chœur et se mettet de balançâ lou chabri per las pôtas. Quant lou curé se deivret ô coumprenquet d'abord lou manege de so pauchou.

En etendant lous bras o disset :

Sainto Madeli, fâi lou chabri

Meita buli, meita rôti,

Et lo courado en saço !

Et tous lous parouffiens, que li avian mas vu dau fio, repouderen : Amen !

JAN DE GLANO.

Lou lebrau de lo Ritou

Si vous ne counseisz pas lo Ritou dau Mas-Barbu tant piei per vous. Qu'ei be segur lo pus mignardo jôno fenno de toutes quelas dau cantou. Tous sous vezis l'aimen, et lo n'ero pas maridado depei huet jours en lou boun Lionard que las mechantas lingas disiant que li avio no beitio à corno de mais dins lo metadario. Et l'ei de perehai coumo pas uno.

Un beu jour, lo mavo vendre à Limogeis daus ios et un gente lebrau que soun homme avio tua au gitre. Lo pourtavo soun punier de îos en soun bras, mas, per ne pas payâ de dreis d'entrado, lo vio etacha soun lebrau entre sas chambas (dins queu tem li avio daus bureus d'octroi à l'entrado de lo villo). Et co lo fusio marchâ las jarras eicalarjadas, coumo no fenno en trin de perdre soun piti canassou.

Lou gabelou que lo visavo venî li disset :

« Rien à déclarer ? »

— « Un panier de îos, moussur ! »

— « Et là-dessous ? faguet-eu en posant soun det sur lou davanlan. »

— « Dessous ? n'io un gente lebrau, mas fasez attenci, ô ei mechant et vous pourrias vous fâ mordre ! »

— « Allons, allons, petite polissonne, pas de plaisanterie. Je la connais celle-là. Tirez-vous de devant mes yeux, vous m'embêtez. Je ne suis pas là pour badiner. »

Et lo Ritou, que risio dins soun ventre, partiguet sei payâ. En ribant chaz lo mai Relouline que te auberjo, lo rachat lou lebrau d'entre sas chambas et lou vendet à lo vieillo que lou faguet minjâ l'ensei à quauquois porcelairiers en ribéto.

« Mad Peloutino, disserent-ils, erie l'as vous lrouba queu lebrau ? Jamais pus nous n'avian minja ne de si sabouzeus. Soun parfum ei si agreable qu'ô baillie l'envio de lebrâ dou plat ! »

« Qu'ei qu'ô o marina ente foulio, disset lo vieillo. »

BARBO-FLURIDO.

Lou pus grand malhur

Lou pai Marti n'ero gro feignant. Touto so vité ô travaillat coum'un chavau per arroundi soun be, augmentâ sous chatau, et sarrâ dins soun ermari lous ecus et lous louis d'or.

So fenno, lo Cati, vailento et esurieiro coumo se, à force de s'echina (trapel un purizl, se soignet pas per echivâ lou medeci et lou pouicari, et lo n'en mouriguet.

Lou paubre Marti creguet be n'en peri d'einei, mas ô chabel per n'en prenei lou dessus et se remettet au travail.

Quauquois meis apres, un muveu malhur li arribet. So vacho, lo Roso, lo pus bravo et beleu lo meillour laitiero dau cantou, loubet malaudo et lou veterinari ne pouguet pas lo sauvâ. Lo crevet.

Aleidoun notre Marti se mettet de deiperl. Sas jôtas se magnavan. Re ne pouidio lou counsolâ. O ne dermio pus et couejavo tout hilla.

Sous cousins vengueren. Soun frai li faguet lo mourâto. Lou maitre d'ecole et lou quitte curé s'en mêleren. Degu ne pouguet li fâ auvi rasou.

Lou viguet un jour et lou sermounei :

« Moun paubre Marti, li disset-îo, quant îo fenno mouriguet, co te doubet segur bien maô, îo coumprene, qu'ero per te un grand malhur. Mas au bout de quauquois meis tu fugueri pus rasounable. To vacho ei crevado, qu'ei no grosso perdo, mas faut te fâ no rasou. Co sirio pecha de dire que to fenno ne vaillo pas mai et n'ero pas de meillour service. Counsole-te et elevo no junjo per remplacâ to vacho. »

— « Tu n'en parlâ aisadomen, disset Marti. Toun chalaû ei sancier, mas me îo sai deitala. Depei que mo fenno ei morto lous vezis et lous amis m'an perpôsa beleu mais de vingt fennas per lo remplacâ. Mas degu ne m'o offert no vacho per remplacâ mo paubre Roso. Tu vessei be qu'is presen mais no vacho qu'une fenno ! »

CHARLOU DE VI.

ANTAN, UJAN ET EN D'EINAN

I
 N'io que sount toujours francis
 Que qu'ei pas prou de iò dire
 Lous couparias à boucis
 Pus têt que de lous fâ rire.
 Dirias qu'a d'un enterromen
 An preis leur figuro
 D'homme mau-counten.
 Qu'ei be vrai que lo vito ei duro,
 Mas iò sei risen d'un air mechant.
 Ero entau antan
 Sei entau ujan
 Et sirai, queraque, entau d'einan.

II
 N'io que l'aigo leur plâ tant
 Qu'is fant aumentâ las seillas
 Et qu'epien d'un air mechant
 Lou ventre de las bouteillas.
 Fan tous pô de s'empoussouâ.
 Qu'ei pas per queu mounde
 Que faut vendegnâ.
 Me, lou diable me counfoude,
 Lampe lou boun vi que sio rouge ô
 Fasio entau antan [blanc
 Faù entau ujan
 Et farai queraque, entau en d'einan.

III
 N'io que co leur fai coussei
 De segre no gento drollo,
 L'enmandi coumo l'ensei
 Pensen à lo faribòlo.
 A lo Jano, à lo Marguissou
 Quant passen lo paùto
 Sous lou babignou
 Las pouletas paren leur jauto
 Qu'ei quelas d'aqui que me plasen tant
 Me plasien antan
 Me plasen ujan
 Me pleiran queraque enquero en d'ei-
 [nan.]

IV
 N'io qu'en d'un chaucho-grapaù
 Sarren l'argen de leur caisso,
 Et fendrian en quatre un piâ
 Per n'en tirâ de lo graisso.
 Au paubre mounde quelo gen
 Prâiteren sur lo terro
 A quinze per cent.
 Mais leur faut rendre honour enquero
 Quant quis estafiers beven votre sang.
 M'an toundu antan,
 Me tounden ujan
 Si me toundian pas enquero en d'ei-
 [nan.]

V
 N'io que sount de mous amis
 Que me disen qu'a moun age
 Deurio prenei lou chami
 Que nous meno au maridage.
 Au jour d'ahuei li o tant d'hazards,
 Li o tant d'auzelieras
 Li o tant de cournards
 Qu'un ne veù re pus dins las feiras.
 Me maridario si n'avio pas tant
 N'ero annado antan
 N'ero annado ujan
 N'en siro, n'ai pô, annado en d'einan.

VI
 N'io que sirian trop countens
 Si ni avio pas sur lo terro
 Tant de meliers mau-plasens
 Qu'entretenen lo misero
 Uchiers, rats de cavo,
 Jugeis, grafiers et perecours,
 Mouniers, percetours
 Et lous avocats qu'obludâvo !
 Tant d'autreis !... Dijâ coumo me per-
 Qu'ero entau antan [tant :
 Qu'ei entau ujan
 Co siro queraque entau en d'einan.

Auguste CHASTANET.

Lou coumplimen

Lou jône Moussur de Chanto-Coucu se maridet lou mei passa. Vous ne counneissez beleu pas so damo, et qu'ei doumage. L'ei si be tetounado et hanchounado que prendriâ plasei a lo visâ.

Lou maridage se faguet pas eici, mas quant is tournen de leur voyage de nôço, is couvideren leurs metadiers à d'un grand dinâ.

Lou pai Tranujo ribet lou prumier, un pau avant l'houro. Is lou fagueren reutrâ dins no grando chambro pleno de fauters, d'eimirais, de tapis, de pitas mouricas sur daus vaisseliers. Li avio de quilas flours dins daus grands toupis. Re de si brave. « Siclias-vous, disset lou Moussur, vous devez eissei braca. »

Lou paubre viei qu'is pelen l'avoucat, per mour qu'o n'ei pas en peno de so lingo, poset soun chapeu et soun bâton per terro et s'enfouccet dins un fauter en disant :

« Un ei bien hurous que lou boun Di nous aye bailla un eù per nous sicliâ, autramen ne sabe pas coumo nous fariâ per fâ posâ notras paubras chambas ! »

O cresio plo que queù piti mout lous fario rire, mas is n'en fagueren pas de cas, et Tranujo coumprenget qu'is attendiant quaque coumplimen.

« Moussur, disset-eu, vous sei un counneissour et per moun armo, vous as saibu chôzi ! Notro damo, sei coumparasou, me fai suveni de la jône tauro que nous venderen à lo feiro de lo Sen-Loup, qu'ero si be membrado et qu'avio un si brave darrei ! Seis-vous de moun avis ? »

JAN DE LIRAN.

AUVEZ BIEN !

Lou jour de lo feiro daus Einouccens que qu'avio tant nevta, lou grand Barjau, autromen dit Galoupo-Chopino, vendet un mechant vedelari, et lo boun'edeio li venguet de nâ etannâ soun argen chaz lo mai Counto-Fort. O li passet sa serenado et trinquet coumo tant d'amis que, quant ô partiguet, o ero bien benasel.

Ne fasio pas boun marchâ. Qu'engaluchâvo et qu'ero talomen bru que n'auriâ pas pougu cougnâ soun del dins lou eù d'uno fermi, sei lûmâ no lumêto. Lo routo se trou-bavo pas prou larjo et lou paubre Barjau se levâvo d'un foussa per nâ toubâ dins l'autre.

Sicliâ sur un moudeleu de peiras, ô se carculavo coumo ô pourrio fâ per chabâ de ribâ à lo meijou, quant ô sentiguet que quaucore gargouillavo, s'eimarognâvo, se deiboueiravo dins soun ventre et n'annouçavo re de boun.

Co lou mettet en coulero, et li avio de que ! O se dresset coum'au pouguet et disset :

« Avez bien ! Vi blanc, vi rouge, vi gris, rhum, niolo, cassir et tout co d'autre qu'oblude, v'autreis sei bien au chaud dins moun ventre et pus hurous que me. Ne vous remudez pas entau, co m'agaço. Foutez-me lo paix o be iò vaù vous foutre defôro ! »

Et coumo co se deiboueiravo toujours, ô ne faguet ni un ni dous, ô cougnet sous degs dins sa gorjo et lou vi rouge, lou vi blanc, lou vi gris, lo niolo mais lou cassir sertigueren pus vite qu'is n'aviant reutra.

N'ei pas melier de vous dire que, parlant per respect, lo prumiero laitiero que passet l'en mandî, sur lo routo, viguet un brave cataplame dins lo nevio.

JAN DAU MAS.

LA CHATEIGNAS CHAUDAS

I

Novembre ve de coumença,
 Veiqui lo Sen-Marti ribado,
 Lou be de Di s'en vai massa
 Lo bouno sasou ei chabado
 Lous jours sount pus courts,
 N'io pus de chalour
 Et garo lo jalado.
 Mas chaquo sasou
 O be so rasou
 Et pourto so deinado.
 Deja sur lous bancs
 Un veù arriban
 Notro bouno chataigno
 Et de tous coutas
 Un aue credà
 « Las chataignas chaudas ! »

II

Quand ve lou jour, de grand mandì,
 S'en fau nà massà lo châtagno,
 Queu trabaì n'ei pas bien envi
 Et suven, mais d'un s'echaragno.
 Lous vilans pelous

Bourrus et jalous
 Piquen lo mo deiliado,
 Et lous paubreis deis
 Rougeis et marfieis
 N'en an lo cousinado.
 Mas tout niro mier,
 Un siro pus fier
 Apres lo mandinado
 Quant entre sas mas
 Un pourro sarrà
 Las boursadas chaudas.

III

Lo net ribo vite l'hiver
 Et lounjo se fai lo veillado,
 Chacun lo passo de soun mier
 Pas trop loin de lo chaminado.
 Las fennas brouchen
 Las fillas cousen
 Et toutes fan cliapato.
 Bien tranquilomen
 Lous hommes pelen
 Lo châtaigno bruneto
 Que lou greladour,

Lou deibouciraour,
 Blanchiran, mettran neto.
 Et per marendà
 Un veiro fumà
 Las blanchidas chaudas.

IV

Lous villaus ne counaissent mas
 Lou chòve, chategno grillado,
 Qu'ei « marroun » que faut lo nounmà,
 Qu'ei pus moussur, l'ei mier presado.
 D'un cop de couteù
 En fendant lo peù
 Un li fai n'etannado,
 Et dins un peilou
 Creba per dessous
 Sur lou fio l'ei grillado.
 Mas lous campagnards
 Beucop mins fadards
 Garden lo vieillo mòdo,
 Qu'ei sous las brasas
 Qu'is metten coumà
 Las grilladas chaudas.

LECHODIER.

LO BROUETTO (Comte de veillado)

No boun'annado, dau biais de Peiro-Buffiero, dous bramo-soupo se metteren dins l'edeio de fà, gratis, un gente marendou de Carnovar. Per co, is s'en aneren, un sei que li avio pas de luno, chàuzi las pus bravas poulas et l'au-chas las pus grassas dins lou poulailler dau pal Martissou. « Ce que n'auran de resto co siro per lou Careme », disserent-is, et is n'en rempligueren no brouetto.

Countens de lour sort, is tourneren partì, et se reiteren suven per heure chopino per qui, chopine per lai. Quelas chopinas lour baillavan courage et is se metteren de chan-tà, ce que ne fan gaire lous volveurs.

Lo brouetto, que se troubavo trop cherjàdo, ne chanta-vo pas, lo s'eicronàvo, per mour que so rôdo ero maù en-graissado.

« Qu'as-tu a credà coumo co ? disserent lous volveurs.

— « Ce que l'ai ? Qu'ei qu'en fasen votre chami en be-
 vant, en bantiurlant, vous baillas lou tem aus « gripo-je-
 sus » de se mettre à votras troussas.

— « Vieillo follo ! » faguerent lous volveurs.

Mas lo brouetto countugnet de s'ei crôna :

« Is nous veiran... Is nous veiran... Is nou veiran !... »

Lous volveurs se mouquavan de lo brouetto et is aviant tort. Daus droullaus, que veniant de veillà, se taleren darrei is. Lo paubro brouetto n'en voulavo, mais is ne pougueren pas se sauvà prou vite. Is fugueren trapas au mieì d'une grandò côto. Un daus garçons s'en anef querì lous gendarmas. Lou pal Martissou tournet troubà soun auchas et sas poulas que lous volveurs fuguerent oblijas de tournà menà à domicile, en lour paubro brouetto que lour disio : « T'ò vio be dit... T'ò vio be dit... T'ò vio be dit... »

Après co is s'en eneren fà Carnovar en preiçoù, ente is minjaren de las favas, sei viando, coumo de rasou.

M^{me} HENRY COULLET.

Lou boun vi blanc

Li avio, dins lou tem, no pito parofio dins lous envi-rours de Limogeis, ente chacun avio so vigno et bevio lou vi blanc de so recolto. Quant dise chacun iò me trompe, lou cure n'avio pas de vigno et ò ero oblija de chatà soun quite vi de messo, et qu'o l'embousinàvo.

Un jour ò mountet dins soun prechadour et disset :

« Mous frais, v'autreis as tous dau vi blanc a ne sa-bei ce que n'en fà et v'autreis me lascia chatà a char de-nier moun quite vi de messo. Co n'ei pas charitable. Co vous couterio pas beucop de me vent un pau en aido, en me pourtant chacun no bouteillo, no soulo bouteillo que vous voueidarias dins no barrico que mètrai deforo, a lo porto de moun presbitari. Venez l'ensei, quant co siro bru, degu vous veiro, degu nous mas lou boun Di que vous tendro coumpto de vôtro charita. »

Lou lendemo, tous lous paroufiens riberen, a lo net, lour bouteillo cachado sous lour blouso. Io eran si neum-brous que notre paubre curé se disio que so barrico ne si-rio pas prou grandò et que foudrio beleu quaucas seillas per mettre lour surplus.

Chacun verset so bouteillo per lo boundo et, quant is fugueren tous partis, lo barrico ero preito à debourda.

« Aurai be dau vi per touto moun annado, disset lou viei curé en se fretant las mas. N'en beve gaire et l'econo-misarai ». Et ò vouguet goûtà queu boun vi blanc. O tiret lou douzi et rempliguet soun goubelet. Mas devinas lou tour qu'is li aviant juga ? Lo barrico ero pleno d'aigo !

Chaque paroufen s'avio dit : « Lous autreis vant tous pourtà dau vi, me, iò vau pourtà de l'aigo. Bouei, no bou-teillo sur dous cents, co li se couneitro pas ! »

DELEZEI.

◀ UN MARIAGE D'ARGEN ▶

Chanissou n'ero pas saven d'accord coumo soun vezi Tranujo ; pertant is eran, crese, un pò parens ensemble. Quant is navan ensemble à lo feiro is s'eirangougnavan tout lou lousing dau chamî.

« Et iò te dise que tu seis un champalimaù pus beitiò que lo bourrico, Chanissou. Tu crevaras segur à lo pitaù. »

— « Et me, iò te repounde que tu seis un voleur pus couqui que Burgou, Tranujo. Tu crevaras en preijou. »

— « Plo ! Tu ne poueis pas chatà noveillo sei que lo sio boutado o be foneirouso. Chanissou. Tu ne verrias pas las rougnas sur l'echino d'un mulet quant las sirian tant larjas coumo meun chapeu. Tu ne sapei pas soulomen si lo vachè-ei pleno o be si l'ei au vedeu. Tu seis... »

— « Barro toun four, viei cheifi de Tranujo ! Quant tu vendei no trovo tu juras tous lous « fe de Di » dau diable que lo vedelo quinze gourets. Tu seis pus meissounger qu'un marchand de poumpiras, tu seis pu che magre que toun labri que tu fas crevâ de fam. Tu m'a rôba toutes mas châtagnas, tu m'as devira moun aigo dau pra dau mouli. Tu m'as foutu lo mechanto vudo dins moun etable. Te vaù foutre n'avertissomen chaz lou juge. Auvei-tu ? »

— « Ah, tu voueis me foutre n'avertissomen. Eh be, l'en veiqui un d'abord ! »

Et pin et pan, et tuto deçai et tuto de lai... Lous dous cousins n'ayant jamais pougu ni se senti ni se parsi, talomen is eran bous amis ensemble.

Qu'ero leur grand bounbur de se degueillâ, de s'en-surtâ, et apres co, de nâ heure pinto.

Un beu jour, is se fouteren uno de quellas penchendas qu'is n'en buffavan Benquero treis horas apres. Et qu'ero justomen per lo feiro de Sent-Ymeix. L'i vio queu jour de braveis porcs sur lou feiriau, per moun armo !

Tranujo magnavo lous gagnous sur l'echino, levavo las couas de l'oveliâs, mesuravo lous biôs en soun bâtoù, visavo lous vedeus dis lous oucis, mas n'en trouvavo gaire de so counvenenço.

« Qu'ei char, fasio-t-eu, qu'ei char ! Ne gagnorio pas dessus. Mas laissan pissâ lou moutou, n'an be lou tem. A si de feiro troubarai-be moun affâ. »

De soun coùta, Chanissou magnavo no vieillo mulo de mounier qu'avio mais trapa de cop de fouet que soun maître n'avio remuda de grus de blad.

Mas Chanissou et queu mounier ne pouidant pas chabâ de se doubâ.

« Et mas ! Voueis-tu quarante-un ecus ? Qu'ei moun darrei mout. Baillo-me lo mo et ne fasas pas l'enteita. »

Tranujo, que s'avio preima, risio dins so barbo et se disio :

« O vai s'encharougnâ no ve de mais, quel âne bâta. O n'o pas vu que quello vicillo rosso ne tet pus plantado, lo couejarias en buffant dessus. Per lou chabâ de roucinâ qu'ei tout ce que li faut, lo vaù accourdâ lou marcha. Nous van rine. »

— N'en vole seize pistôlas et n'ou, pas un sò de mins, credavo lou mounier en fasan signe à Tranujo d'accourdâ.

Tranujo tîret bravomen Chanissou per so blouso.

« Chato quello heitiò, disset-en, l'ei un pau magro, un pau cagnardo, mas li o de la carcasso et lo n'ei pas vieillo. Baillo tas seize pistôlas à queu brave homme et o va payâ lou vi dau marcha. »

« Ah, faguet Chanissou, ne vole pas te dedine, mas qu'ei trop char. Baillo-me to mo, mounier. »

Et pin et plan ! Co faguet chaba et fouguet nâ heure lou vi dau marcha.

Quant notreis hommeis sentigueren de l'anberjo, is jaccassavan coumo de l'anchas borlias, et Tranujo n'avio trapa no fidlâdo que li coutâvo pas char.

« Ai be toujours gânga moun aisei de vi, dissio-t-eu, en pissant dins lo rôdo d'un charretou. »

Et tout d'un coup... bradadau ! ô se foutet per terro.

« Tu seis bien douba, disset Chanissou. Hurousadomen, qu'âi chata lo mulo, sei co tu couejarias dins un foussa. Mourto dessus et te vaù eitacha, autromen tu li restorias pas l'outem. »

— « T'as pas rasou, moun paubre cousin. M'eivi que iò sais un piti pau sadou. Etacho-me sur lo mulo. »

Is n'agueren pas fa demio-légo que notre paubre Tranujo, meita mort et tout eivenla sur lo mulo, n'en avio trapa mais d'uno sangutabo, talomen lo paubre beitiò trabuchâvo.

Chanissou, que seguio de per darrei, se disio :

« Fe de Di ! Lou mounier m'o âica. Quello mulo ne chabaro pas de ribâ chaz nous, et queu fi de louciro de Tranujo lo vai foutre per terro. »

Et Tranujo credavo :

« Hue, vieillo garço, hue vieillo bourrico. Marcharas-tu ! Et o li baillavo dous cops de ped dins lou ventre. »

Tout d'un cop, bradadau ! Lo mulo tombet bien crevado dins lou foussa, et Tranujo roudelet dins nos roundrenieiro.

Co lou deissadoulet.

« Lou fe dous ceus t'ecrase ! faguet-eu, et ô ne risio pus dau tout, permour qu'à s'avio eicarouilla lou naz. »

« Eh be, disset Chanissou, tu l'as fâcho toubâ lo mulo, et l'ei crevado ? Qu'ei un brave cop. No heitiò qu'aurio vendu beleu mais de siei cents francs passa-demo à Chalus. T'auras de mas rivelas, Tranujo. Co t'apprendro à menâ lou heitiâ dau moude coumo faut. Nous niran chaz lou juge. »

Lou divendrei d'apres, lou juge credet :

« Chanissou contre Tranuje. Avancez à la barre. »

Et co faguet d'abord douba, Tranujo faguet eoundamna à baillâ cent-ecus à soun cousin per quello cheno de mulo.

En serti de l'audienco, is neren, coumo de rasou, heure pinto per se tournâ mettre d'accord. Entre cousins un n'ei pas per se minjâ lou naz.

« Te vaù dire mo bouno chazo, faguet Tranujo. Te deve cent ecus et tu ne perdras re, mais tu vâs me baillâ lo fillo per nôro et entâ l'argen ne serti pas de lo meijou. »

— « Moun paubre cousin, n'ai re à te refusâ, disset Chanissou. Te baillè mo fillo. Lous cent ecus servant de pegulciro. »

Et is s'auriant belomen embrassa talomen is eran countens. Co lous doubavo tous dous. Lo fillo de Chanissou qu'ci no pito grinjêlo que boueitico, qu'o un naz opunchu coumo queu d'uno lîro et de grandas dents puridas. Quant au fils de Tranujo, qu'ei un piti gros eitalourdi qu'on n'a teito grosso coumo no peirôlo, dous oucis d'oveliò et de la chambâs tortas. Qu'ei un brave parèt, lou diable me crâme ! Mas lo beuta se minjo pas au plat.

Me sais l'aisa dire qu'en benezissant queu mariage d'argen, lou paubre curé de Sen-Matali n'en secoudio lo teito. Co n'o pas empecha lous nôvis de vei no grouado de pitis tant fiers coumo paù et maù.

CHALOU.

LUNETTES SEYANTES...

LUNETTES

LAPLANTE

Opticien

Tél. 34-82 5, Rue Jean-Jaurès - LIMOGES

LOU PAQUET DE TABAC

Lou grand Roubart de la Treis-Charraus ero un fumadour enraja. Cò ne plasio gaire à lo Catinou dau Bos-Pela, so partengudo. L'avio dit à qui voulio l'auvi que lo ne prendrio jamais n'homme que pipe tant, et lo li faguet proumettre lou jour daus accords de ne pus fumà quant is siriant maridas. Roubart proumettet tout ce que lo vouguet. Mas qu'ero no fino moucho que ne voulio pas essei troumpado, et lou jour dau maridage, avant de dire : oui, à Moussur lou Maire, lo li faguet repetà davant lous temoins, qu'ò ne fumariò pus.

Lo noço se passet per lou mier et quant lo mieri-net ribet, lo Catisou ero plo hurouso de se retirà dins so chambro, coumo lou fumadour repentì. Mas, sitòt còueijas, Roubart disset « bouno net » à lo Cati, li viret l'echino et s'endermiguèt. Lo Cati troubavo be que lous adissias erant un pau courts, mas lò ne disset re. Lo pensavo : co s'iro per demo. Lou lendemo, co faguet parei. Lo paubro droÛlo s'envierlet dins lou liet touto lo net et n'en parlet à so maì, sitòt levado.

Lo maì li disset :

« Si quete sei ò tourno entaù fà, damando-li si qu'ei vrai ce qu'un l'ò dit. O te damandoro : de que ? Et tu li diras : « Que tu ne sei pas pus amouròu qu'un chapon ! » Tu verras be ce qu'ò te repoundro ».

Entaù faguet lo Cati et Roubart li reipoundet :

« N'ai jamais gu lo reputaci d'essei un chapon, et toutes las drollas daus alentours pourriant iò dire, mas dins queu tem iò fumavo, et deipei que ne fume pus, co m'ò chanja moun edeias, ne sais pus lou memo ».

« Foulío iò dire pus tèt, faguet lo Cati en sautant dau liet. Iò vaù d'abord te queri toum remedi ».

Lo tournet douas minutas apres en d'uno cigareto que l'avio ròba à soun frai.

« Pipo, disset-io, et fait toun devei ! »

Roubart fumet so cigareto et so malòdio faguet garido sur lou cop.

Lou lendemo mandì, lo Cati countet soun aventuro à so maì que se mettet de rire et li disset :

« Tu t'as billa en diomen eimandi. Ente vas-tu ? »

— Iò vaù au boung queri dau tabac per moun Roubart ».

Et lo partiguèt en chantant coum'un roussignò. Mas lo n'avio pas fa cent metres que so maì li credet :

« Ai, Cati ! Tant que tu li siras, pourto n'en un paquet per toun pai ! »

HENRICOU.

**CHASSEURS, n'oubliez pas que la
CARTOUCHE GERVAIS
EST TOUJOURS LA MEILLEURE**

Avant tout achat, consultez la

MAISON GERVAIS, 5, rue Jules-Guesde, LIMOGES

Un bon conseil : Si vous ne visez pas bien clair per legi lou « Galetou », faut vite nà chaz

GAUTHIER-LAVIGNE

13, rue Saint-Martial - LIMOGES - Tél. 51-63

vous li troubores de las lunettes que vous faran pareitre pus bravàs notràs niorlas

Las laveiris

Lo Cati et lo Mioun sount toutes douas soulas au ris. Las parlen de malaudias.

Lo Cati. — Quelò meehanto influenza m'ò laissa no douleur dins lou ràten de l'echino.

Lo Mioun. — Me, qu'ei entre lou ventre et lo peitreno que co me fai maù ; iò n'ai pas d'appetit. Dissei l'autre jour au nôtre : « Las poumpiras rôtidias me fariant envio. » — Eh be; disset-eu, co n'ei pas malaia te contentà. Te vaù nà queri daus cournichous. Qu'ei ce que li o de meilleur ? N'en faguei coueire, las me fagueren pas de be. Avio coumo no boulo sur l'ertoumac et co me baillèt lo bruiasou.

Lo Cati. — Mais me, las aïmorio be prou, mas las me sechen lo peitreno.

Lo Mioun. — Lou nôtre se plaint de douleurs dins l'uno chambro. L'autro senmano qu'ero dins lou croupignou que co lou tenio. O ne po re fà, lou trabai s'assembto, nous n'an pus de leitiero de coupado. Pertant ne poÛe pas essei au ris, à lo meijou et per lous champs.

Lo Cati. — Faut be s'einuyà. Lou notre paubre malheurous que se bougno au cementeri avio tant souffert. O credavo coum'un brûla touto lo nuet, et ne pouidio jamais barrà lous oueis. Iò me levavo tout en chamiso per li fà daus cataplameis, mas re ne li fasio dau be. Li faguei fà sas devoucis, lou fretei en de l'aigo de lo bouno founf. Cò lou soulajet be quauqueis jours, mas quant lo mort li ei n'io re-t-a fà.

Lo Mioun. — Lou medeci venguet be lou veire. Coum'ei-co qu'ò pelet quelò malaudio ?

Lo Cati. — Mo paubre, m'en suvene pus. Me suvene nou mas qu'ò ne faguet chatà chaz lou pouticari no pito honteilla, lounjo coumo lou det, que me coutet quinze francs.

Lo Mioun. — Co devic essei rude...

Lo Cati. — Qu'ero beleu be boun, mas iò sabe pas. Lon notre paubre ne vouguet jamais n'en avalà no gourjado. Qu'ei denquero chaz nous dins lo tireto de l'embari. Si votre homme voulio iò beure beleu que co li fario dau be. Si co vous fai plasei iò vous baillaraì, co ne sert de re.

Lo Mioun. — Merci bien, Cati, ne refuse pas. Si qu'ero un remedi de surcier vous dirio : nou. Mas quant qu'ei ordrena per un medeci co ne po pas fà de maù. Io fant payà prou char per que co sirio boun ! Iò vaù n'en parla au nôtre. Li diei : co ne coato re, qu'ei lo Cati que iò te baillo. Si co pouidio lou garì ò sirio plo counten lou paubre bougro et me denquero mais ! Qu'ei no pità, chaz nous, mo paubre. O n'ei pus boun a re, et vous d'se co qui entre n'autras, cresez-me si vous voulez, deipei treis meis qu'ei belomen coumo si eno vevò ! »

L'ORELIO DE LEBRE.

Tous lous libreis, per lous étudiants et lous de lesi.

Lous meillours stylos, lous meillours papiers, lous meillours prix.

Dau mounde aimable per vous servi.

Vous troubarez tout co d'aqui à lo

Librairie DESVILLES

5^e place Fournier - LIMOGES — Tél. 27-52.

